



Mi fâs lassâ di Pauli fûr dal residence. No ai voie di slicugniçs.

Usgnot al larà in blanc. Mi inventi une scuse, che o ai mâl di panze. Chest mêś mi sa che il cicli al vignarà lungjut. O passi denant de quartinerie e la siore di guardie e cjale la television. Nancje jentrade, pene gjavadis lis scarpis, tiradis une bande il bagn e une bande l'armaron, al sune il telefon. Chel numar plui che Paoli no lu sa, par regule, nissun.

«Pront, Vale?»

«Si, cui isal?»

«O soi jo, Michêl.»

«Ce?! Michêl?! Ce rasse di sorprese, no si sino pene viodûts?»

«Cemût stâstu?»

«Benon, e dut câs o stoi compagn di un'ore fa. Pitost cemût âstu vût chest numar?»

«...»

«Mi clamistu par lavôr, par vie dal vecjut di prin?»

«...»

«Dai Michêl, tu lu sâs benissin che lu ai netât jo, ce vustu...»

«Sêstu bessole?»

«...»

«Se tu vessis un tic di atenzion par me o podarès jessi li in dîs minûts. Ce distu?»

«Scuse...?!»

«Mi plasarès vignî li di te.»

«O soi a stâ intun puest che dopo miezegnot nol po jentrâ nissun om. E il discôrs a si fâs complicât, no pues capî mâl, e no puès garantî nuie, ce volaressistu?»

«O ai une golute di cuant che ti ai viodude usgnot che o ai scugnût fâ cheste figure di mierde e clamâti.»

«Beh o ai preseât prin che tu âs lassât cori, e po chei cuatri francs a mi coventin.»

«Dusinte e cincuante, ma no impuarte. L'impuartant al è che no rivi a gjavâti dal gno cjâf.»

«Ah, beh! E cemût mi âstu iniment?»

«...»

«Michêl, cemût mi pensistu? Come une larie?»

«Aio di dital?»

«Michêl, o samein doi fruts.»

«Prin o volevi percuisiti, ma nome a chel pinsîr, di tocjâti, o soi diventât dut ros e o ai sintût a partî un sglonfidun che o ai vût pôre che dute la sale dal ristorante mi cjalàs il pac tai bregons e al viodès che cjalanti mi jeri ingropât.»

«Beh, jo no mi soi inacuarte di nuie e dut cês no mi sarès displasût vioditi in dificolât, une volte tant.»

«...»

«Michêl, sêstu li ancjemò?»

«Si.»

«...»

«Jo, Vale, o ti ai tal cjâf, di chel moment, nome che di tocjâti la piel e de ecitazion mi insgrisuli dut e o piert i sentiments.»

«Ancje jo cumò o mi viôt in chê sene, mi viôt che mi va il sanc su des cuessis fin tal cuel e su tal cjâf.»

«...»

«E se ti domandi di metiti une man alì e di pensâ che o soi jo?»

«...»

«E pensâ che cu la man là, o voi ju sot dal astic des mudandutis...»

«Michêl, ce dal caz dîstu!»

«Scuse, Vale, scusimi. Click.»

di Stefano Gasti

#60